

## **A Revelashon i Inspirashon. 1 Pedro 1:10-11.**

- ❖ Revelashon ta e konosementu ku e Spiritu Santu ta kompartí tokante di kosnan ku nos no por komprendé riba nos mes.
- ❖ Inspirashon ta kon e Spiritu Santu ta konta e bèrdat pa medio di sernan humano..

## **B E Spiritu Santu i e origen di e Palabra:**

### **❖ Rebeladó. 1 Korintionan 2:10.**

- Kon nos por sa Dios Su boluntat si e Spiritu Santu no a revelá esaki pa medio di Su Palabra?
- E bèrdatnan den e Beibel ta revelashon direkto for di Dios. Nan no ta ideanan òf interpretashonnan humano pero di Dios

### **❖ Inspiradó.. 2 Pedro 1:21.**

- Dios a guia nan pa splika Su pensamentunan na un manera fidedigno i konfiabel ku nan propio palabranan inspirá.
- E proseso di skirbi tabata diferente pa kada persona i kada momentu.
  - (a) Tin bia nan a risibí palabranan eksakto introdusí dor di “ Asina Señor ta bisa,” (Isaias 37:6).
  - (b) Tin bia nan a mira vishonnan òf soñonan ku nan a deskribí ku nan mes palabranan (Ezekiel 1:4).
  - (c) Tin bia nan a investigá i a eksaminá pa splika e echonan i e siñansanan apropiadamente (Lukas 1:6).

### **❖ Bèrdadero. Salmo 119:160.**

- Algun hende ta duda ku e Beibel ta bèrdat pasombra Nan no ta komprendé ku e outornan di e Beibel a ekspresá e bèrdat segun nan tempu, lugá i kultura.
- Dios no por gaña (Hebreonan 6:18). Pesei, tur kos ku El a bisa dor di Su Palabra ta BÈRDAT..
- Nos no por huzga e Beibel; nos pensamentunan mester wòrdu huzgá dor di djÉ..

## **C E Spiritu Santu i e Palabra awe.**

### **❖ Nos maestro. Juan 16:13.**

- Nos no por komprendé e bèrdatnan den e Beibel dor di nos propio rasonamentu, pasombra bèrdatnan spiritual mester wòrdu komprendé spiritualmente (1 Korintionan 2:13). Pesei e Spritu Santu ta yuda nos pa:
  - (a) Komprendé e bèrdatnan doktrinal den e Beibel.
  - (b) Komprendé e bèrdat tokante di nos.
- Ora nos disidí pa respondé na e guiansa di e Spiritu Santu i aseptá humildemente e instrukshon divino den e Beibel, nos bida ta wòrdu kambiá pa medio di Dios Su gracia, i nos mentenan ta wòrdu protehá kontra di e desepshonnan di e diabel.

### **❖ Ningun kontradikshon.. Juan 5:46-47.**

- Sinembargo, e Spiritu Santu por guia nos na un bèrdat tokante di Hesus (òf kualkier otro doktrina) ku ta kontradisí e mensahe Bíbliko (Juan 16:13-14)?
- E Spiritu Santu no por kontradisí e Palabra di Dios. Si un persona bisa ku é ta wòrdu impulsá dor di e Spiritu Santu, pero é ta siña doktrinanan ku ta kontradisí e Beibel, e ora ei é no ta konta e bèrdat.